

輿地志

遵化通志卷十四

關隘

馬蘭峪關州西北七十里為守禦要地關外六十七里擡馬

嶺明正德十年烏梁海原作兀良哈據日下舊聞考改正寇馬蘭峪方輿紀要正

統十五年添設叅將天下郡國利病書

國朝初設副將雍正五年以恭建

陵寢設總兵官駐兵防護大清一統志有城在關南十里今為馬蘭峪鎮由

平山頂砦六里至馬蘭峪境外地名秋木嶺離邊三十里通

大舉東通鮎魚石南通烏喀達案日下舊聞考烏喀達滿州語塢子頭也舊作歪骨垛

今譯東北穿謝家峪衝又三里至獨松砦駝駝谷口墩平漫

通大舉衝又七里至豐臺嶺砦通步不通騎又五里至龍洞

谷路窄正關瓦子谷俱通單騎衝又五里至寬佃谷三鎮邊務總要

RWY 489/19

國朝張英馬蘭關古松行古松鐵幹蒼還赭虬蟠虎卧
長城下遙看翠色起寒煙近訝蒼皮侵古瓦碧雲一片低不
飛松頂平鋪復堪把紉枝往復如有神奇姿勁挺誰能寫黃
冠白髮不記年塞月邊風自瀟灑特標孤節凌窮冬更送清
陰滌煩夏影閉荒城鶴不棲梢入空堂露常滴落殘恥與羣
木傳所悲幽人在中野拏雲幹折為懸弓覆地枝殘因繫馬
等閒夜半起濤聲關山誰是知音者又扈從至馬蘭口登
長城詩。戊樓臨絕繳何意得躋攀縱目城南堡驚心塞北
山雲陰迷古蝶峰勢逼蕭關戰壘清時廢微茫草樹間
秦瀛題馬蘭關詩巨鎮連黃輔層關控紫濛逼天諸塞險
拔地萬山雄峪色蒼煙外崖陰積雪中橋山松柏近
淒絕鼎湖弓

謹案豐臺嶺即今

昌瑞山為

陵寢少祖山寬佃谷在馬蘭口西六里黃崖谷東第六關也谷

有天香寺

方輿紀要

並圈入

風水圍牆內秋木嶺劉志作秋木林所謂離邊三十里指州北

長城言之若西南距馬蘭口且七十里許矣

平山頂砦距鮎魚關四里內外平漫通馬步衝又六里至馬

蘭峪

三鎮邊務總要

明永樂年建

四鎮三關志

鮎魚石關州西北五十里鳳凰山東十里下營在關南十里

今設把總駐守

大清一統志

馬蘭峪東第二關口也明正德四年

諾音自鮎魚石毀垣入馬蘭峪嘉靖三十四年諳達亦自此

入侵馬蘭峪

方輿紀要

由沙嶺兒砦九里至鮎魚石關正關通大

舉其東西墩空山險可通步又四里平山頂砦內外漫通馬

步衝

三鎮邊務總要

沙嶺兒砦距大安口關四里夾石口過道嶺墩內外平漫俱

通騎極衝又九里至鮎魚石

三鎮邊務總要

其北為琵琶谷

四鎮三關志

大安口關州西北三十里鮎魚關東有下營在口南五里

清一統志亦要口也明嘉靖三十八年嘗為敵陷口外三十六里

曰柳林又北二里曰白棗林又北十六里曰新開嶺方輿紀要由

龍池砦十里至安口關邊外通大川正關並各墩空俱通騎

極衝又四里至沙嶺兒砦三鎮邊務總要

冷觜頭堡州西北二十五里大安口東大清一統志舊有關明永

樂年建四鎮三關志由石崖嶺四里至冷觜頭關外通大川各敦

空俱衝通大舉又五里至龍池砦通大舉又十里至大安口

關三鎮邊務總要

國朝李霽冷觜頭邊城眺望詩古堞連峰峻憑高騁望時水從絕塞入天接四山垂往事殘碑識邊愁老卒知烽煙猶

未熄設險

石崖嶺砦在冷觜頭堡東距山口寨五里西三墩空平漫通

單騎餘通步三鎮邊務總要明洪武年建砦四鎮三關志

沙坡峪堡州西北二十五里大清一統志作舊有關明洪

武年建

四鎮三

正關桑樹安迤西東山墩三空通單騎衝餘

通步

三鎮邊務總要

國朝李肅出沙坡略登西長城絕頂詩 烏道紫紆一城盤
竭來雲表駐征鞏雉羣低向榛叢落虎跡深從雪後看沙磧
如霜青嶂繞塞垣似帶紫濛寬壯遊忽動蹇衰興不憶風塵
行路難

山寨峪堡州北二十五里

大清一統志作二十里

舊有關明洪武年建

四鎮三

正關並東西稍城及黃草安尖山墩鶯窩崖白嶺兒

石板溝各墩空通騎極衝餘止通步

三鎮邊務總要

貓兒谷砦州北二十五里羅文峪關西二里外通大川各墩

空俱通騎極衝

三鎮邊務總要

羅文峪關州北二十二里

一作十八里紀要作州北十里

方輿 山寨堡東馬

蘭峪東第十四關口也有堡其南有下營

國朝康熙九年設章京駐防並設把總

大清一統志

其北五十九

里曰窟窿山又北七里曰神山嶺又北十三里曰白馬川又

北十一里曰石夾口方輿紀要羅文峪下關砦十一天勝砦舍身

臺砦馬蹏谷關蔡家谷砦秋科谷砦干家谷關羅文谷關貓

兒谷砦山寨谷關沙坡谷關山口砦四鎮志由三道嶺四里

至天勝砦正關通單騎不通大舉又三里至舍身臺砦正關

並苦梨谷墩空俱通騎極衝又五里至馬蹏谷關又十里至

蔡家谷關又二里至秋科谷砦又十里至干家谷又五里至

羅文峪關外通大川各墩空俱通騎極衝又二里至貓兒谷

砦又十里至山砦谷又十五里至沙坡谷又二里至山口砦

三鎮邊務總要

國朝王涯長出羅文峪關詩一望邊城落照收風煙萬里

靖清秋只今惟有秦時月猶上當年舊戍樓

干家峪州北二十五里羅文峪東大清一統志作二舊有

關明洪武年建

四鎮三關志

正關並桃樹安墩西界倒溝嶺墩各

空通單騎衝

三鎮邊務總要

秋科谷口州東北二十五里

劉志作州北

千家峪東舊有砦明洪

武年建

四鎮三關志

距蔡家谷二里正關秋科谷東空山墩通騎

餘通步

三鎮邊務總要

蔡家谷口州東北二十五里

劉志作州北

秋科峪東舊有砦明永

樂年建

四鎮三關志

正關水口并關東尖山墩空通騎衝

三鎮邊務總要

馬蹏谷口州東北二十五里

劉志作州北

蔡家峪東

大清一統志作千家峪

東舊有關明洪武年建

四鎮三關志

正關並稍城通騎極衝其餘

墩空通步

三鎮邊務總要

三道嶺岩州東北二十五里羅文峪東

萬興紀要

舊有砦明洪武

年建

四鎮三關志

距天勝砦四里此外關雖通大川但裏口地勢

三面如屏險可據守不通大舉

三鎮邊務總要

白棗峪堡州東北五十里

劉志作州北志作州東四十五里

畿輔唐

舊有砦明

洪武年建

四鎮三關志

外通大川各墩空亦通人馬衝又七里至

三道嶺

三鎮邊務總要

松棚營州東北三十五里舊有都司駐守今設千總

大清一統志

案方輿紀要薊鎮分東中西為三路中路帥駐三屯

營其隘凡四曰太平砦曰喜峰口曰松棚谷曰馬蘭

峪

洪山口州東北五十里

方輿紀要作州北三十里

白棗峪東有城其內即

松棚營又東為西常峪曰東常峪口接遷安縣之潘家口

大

清一統志關北百十七里為黃土嶺又北三十里為橋家嶺又北

四十里曰車河川明宏治十二年都御史洪鍾奏洪山口關

原設於松棚谷境與營相去不遠成化間關移今所而營堡

仍舊營去關三十餘里且山嶺道險人馬不得並行遇警卒

難策應請營於附近李家谷口從之明孝宗實錄洪山口下關砦

五本關廖家谷關西安谷砦白棗谷砦三道嶺砦四鎮三關志

外通大川平漫正關并西稍城及西墩空外俱寬平通騎衝

要又三里至西安砦外通大川各墩空俱通人馬衝又六里

至白棗谷三鎮邊務總要

廖家谷堡州東北五十五里洪山口東輿圖明正德三年

建四鎮三關志由椽八谷五里至廖家谷正關并白草安通騎衝

要餘止通步又三里至洪山口關三鎮邊務總要

案畿輔李志道化州邊牆西自馬蘭關東至洪山口

共長一百三十六里沿邊墩臺照四鎮三關志所載

馬蘭關邊牆西十五里接薊州寬佃谷東六里至平

山頂又東四里至鮎魚石又東十里至沙嶺兒寨又

東四里至太安口又東十五里冷背頭關又東四里

至石崖嶺又東五里至山口寨又東三里至沙坡谷

口又東十五里至山寨谷口又東十里至貓兒峪又

東二里至羅文峪又東五里至干家谷又東北十里

至秋科谷又北二里至蔡家谷又北十里至馬驢谷

又東北五里至舍身臺又東北十二里至洪山口以

上邊口臺汛今屬馬蘭鎮管轄所有邊牆惟馬蘭關

羅文峪完整餘塌毀二十二段約長二百二十餘丈

沿邊墩臺一百五十四座又東北十五里接永平府

界龍井關

又案方輿紀要邊牆皆依山湊築大道為關小道為

口屯軍為營列守為砦

龍井兒關遷安縣西北一百九十里西接州之洪山口陡峙

邊外有城今設把總駐守大清一統志關西北至古道嶺長十四

里至洪山口關郡國利病書

潘家口關遷安縣西北一百八十里方輿紀要作遵化縣東北四十里蓋指縣界言

之距今州治且由團亭岩三里至潘家口關外通喜峰口大

川河口并擂鼓臺東西空通騎衝要三鎮邊務總要

喜峰口關州東北一百二十里方輿紀要作七十里關口有

來遠樓可容萬人方輿紀要其東南五里為喜峰城城周三里明

時駐兵戍守為薊邊重地大清一統志乃烏梁海進貢之路本名

喜逢口長安客語其稱喜峰蓋自明永樂之後碣石叢談

國朝特設駐防旗營俸餉由州領放

冊

明王寅宿喜峰口詩萬里秋風暮連山到此分幾年尋紫塞
今日宿黃雲片月臨關見孤軍擊柝聞燕歌爭勸酒強飲不

成

唐順之曉發喜峰詩客心流水與爭馳寒壘疏星度峽時未

返王孫猶草色初來戍卒是瓜期去鄉祇覺蟬聲似出塞方

知馬脊危辛苦下情何計達早年曾誦采薇詩又登喜峰

古城詩絕頂孤峰見廢關短衣落日試躋攀三秋豹旅方乘

障萬里龍媒正滿山侯雁似隨鄉思遠寒花將送使臣還籌

邊迂薄終無補空望伊吾抵掌間

陶允宜喜峰道上呈戚少保詩薊門往事震京華十六年來

靜不諱路出萬山通鳥道城懸千嶂壓龍沙空中雲影連樓

閣夜半風聲度鼓笳老將莫憐心力破金湯終古在皇家

小喜峰口關距喜峰五里永平府志作二里正關并東西稍城通單

騎三鎮邊務總要又西南三里曰老子谷下爲圓亭砦灤水由此流

入撫寧縣境隔灤水而西爲樓子山又南十里爲平山撫寧

與遵化出入處也方輿紀要

松亭關在喜峰口北一百二十遼人自燕之中京自松亭趨

柳河

方輿紀要

由喜峰口東北六十里曰殺木峪關又六十里爲

松亭關關爲控禦之要宋劉敞奉使遼東素知山川道里遼

東自古北至柳河廻曲千餘里敞問曰自松亭趨柳河其徑

不數日可至中京何不道彼而道此遼人不虞敞知相顧驚

愧

東都事略

閻詢使遼知北方疆理時遼主在錫津遼者王惠導

詢由松亭往詢曰此松亭路也胡不徑慈嶺而迂枉若是惠

慚不能對

宋元史質

松亭遼金時故關也今廢

大清一統志

案龍井關以東各關口今皆屬遼安縣界仍舊志序

列

三屯營州東五十里

畿輔李志成六十里

東至遼安縣治一百二十里

營接遼安縣界在景忠山北城周四里

方輿紀要

天順四年建萬

厯二年戚繼光展剏焉

四鎮三關志

去喜峰口二舍營曰三屯忠

義中衛百夫長凡三景泰間敕征東大將軍駐劄名勝志萬厯

元年侍郎汪道昆奏以忠義中衛移置三屯營遵化就於三

屯營城內空地居之邊庭碩畫薊州以三屯營居中為本邊重鎮

東至山海關三百五十里西至黃花鎮四百里春明夢餘錄明宣

德初設總兵於獅子谷

國朝設副將駐守大清一統志道光二十二年副將移駐天津大

沽口以喜峰路遊擊駐此永平府志

國朝梁清標望三屯營詩塞門刁斗徹宵聞此地曾傳上將

勳列嶂千山明斥堠當關一劍動星文沙寒吼吼林端月雪

盡雕盤戰後雲當日燕然留片石百年誰繼戚將軍

尤侗大雪三屯道中詩大雪深三尺籃輿過萬山半天開玉

宇一夜白人間閉屋煙常斷空林鳥自還無衣誰共賦哀雁

滿榆關

石門鎮州西六十里灤水東南過石門峽山高巔絕壁立洞

開俗謂之石門口水經注薊州東六十里宋宣和五年遼蕭幹

敗宋兵於石門鎮遂陷薊州侵掠燕城爲郭藥師所敗明爲

石門驛宣德三年征烏梁海自石門驛出喜峰口是也紀要

國朝光緒二年移通永練軍馬隊駐鎮東營址有史宏祖碑

國朝劉念城石門東遵化薛吟軒刺史詩 巖業千山擁薊

門太平重鎮似荒村煙森古木鴉羣噪水繞晴沙馬一屯與

我提封常繡錯輸君宦况獨清薄莎

廳咫尺旋迴轉陶冶詩篇未細論

興隆口州西六十五里石門峽西舊名龍門口

國朝肇建

東陵以羣水彙流因

錫嘉名爲謁

陵所必經

國朝張從孔興隆口詩 萬載興隆地雙峰鎮口齊金星高

拱北玉水曲流西鳥語崖間樹魚遊石畔溪舉頭

陵上望常有彩雲棲

喜峰口州西五十五里石門峽東南五里由馬蘭峪達平安

城路同治間修鑿漸平

溫煦之
撰碑

小喜峰距喜峰二里許通車不甚平闊由石門鎮達平安城較捷

水門口州西南三十里兩山之間九河之匯自懸厓而下山

巔有臺可以避兵

劉志

由堡子店達平安城路

搗藥口一名小燕口有石如卧牛其上杵迹遍滿名試杵石由州城達平安城路其東即清風明月諸山

牛門口州南十二里由州達玉田驛路其東即筆架山

龍山口州南八里西與筆架山對峙鼓山中立其間寬平鮮可據守同治六年直隸始立練軍通永鎮標馬步各隊築營於此未幾移駐各境營址遂廢由州達豐潤驛路